

Imaqarniliaq
Kommunalbestyrelsi
Ataatsimiinneq 07/2011



**Imaqarniliaq
Kommunalbestyrelsi
Ataatsimiinneq 07/2011**

**Qaortumi qinikkat ataatsimiittarfianni
25.11.2011 nal. 09.00**

OQALUUSERISASSAT ALLASSIMAFFIAT:

1. Oqaluuserisassat akuersissutigineqarnerat
2. Siulittaasumit ilisimatitsissutit
3. Aningaasatigut killiffik
4. Missingersuutitigut nikisitsinissamik qinnuteqaat
5. Kommunip aningaasatigut inissisimanera pillugu naalakkersuisut nalunaarutaat
6. Pinaveersaartitsisut inissisimanerisa isummerfigeqqinneqarnissaanik siunnersuut
7. Kommunip inissiaataani ineqarnermut akiliutit qaffanneqarnissaat pillugu kukkumersuisut nassuiaataat
8. 2012-imut missingersuutit aappasaanneerineqarnerat
9. PBS-mut ikaarsaariarnissaq kommunillu karseqarunnaarnissaa pillugu siunnersuut
10. Kommunip illutaani oqoqarneranik misissuinissamik Kaj Lyberthip siunnersuutaa
11. Kommunip inissiaataasa 2010-imi ukiumoortumik naatsorsuutai pillugit kukkumersuisup oqaaseriumasai
12. Kommunip illuutaanik tuniniaaneq
13. PPR-ip tiguneqarnera
14. Kukkumersuisut nalunaarutaat nr. 7
15. Kukkumersuisut nalunaarutaat nr. 8
16. Gardar Foundation
17. Kommunalbestyrelsip 2012-imi ataatsimiiffissaanut pilersaarutit
18. Tamalaat

PEQATAASUT:

- Atassut:** Thomas Ezekiasen
- Demokraterne:** Carl Rødgaard
- Inuit Ataqtigiit:** Lisbeth Søvendahl Pedersen, Henrik Brummerstedt, Ingemann Dorph, Nukannguaq Adolfsen
- Siumut:** Simon Simonsen, Kiista P. Isaksen, Kristine Raahauge, Jens Peter Kielsen, Kalistat Lund, Kaj Lyberth, Samuel Simonsen, Ole Mølgaard-Motzfeldt, Bena Olsen
- Peqataanngitsut:** Lasse Davidsen
- Atorfilittat:** Pisortaaneq Jørgen Vetterlain, pisortaanerup tullia Frank Hedegaard Jørgensen, aningaasaqarnermut pisortaq Kim Rosendahl (Imm. 3 -9), aningaasaqarnermut siunnersorti Claus Wæde Hansen (Imm. 3 - 9)
- Oqalutsit:** Oqalutsit aqutsisuat Kelly Berthelsen aammalu Amalie Zeeb

IMM. 1. OQALUUSERISASSAT AKUERSISSUTIGINEQARNERAT

Aalajangerneq

Akuerineqarput.

IMM. 2. SIULITTAASUMIT ILISIMATITSISSUTIT

Ippassaani Grønlandsbanken-ip Hotel Qaqortoq-mi illuutilinnut nukissiuutitigut sipaaruteqarsinnaaneq siunertaralugu taarsigassarsinnaaneq ataatsimiititsissutigaa. Aatsitassarsiorniaqtigiinniit Tanbreez-imiit Greg Barnes kiniserinik 6-inik ilaqlarluni 13.-15. december tikissaaq. Ukiup tulluup aallartinnerani piiiialernissamik qinnuteqaat qinnutigineqartussanngorunarpog. Qanoq pisoqarneranik tamatumap kingornagut ilisimatitsineqarumaarpoq. Qaqortumi kollegialiorneq aammalu autistit najugassaannik sanaartornerit aallartinneqarsimapput. Isumaqtigiissutissat piareerneqarsimapput. Narsami atuarfiup iluorsaannissaanut atatillugu naalakkersuisut atuarfimmi ukioqtigiit klassip ataa-siakkaartuunissaat nalunaarutigisimavaat. Soorlu siunissami aatsitassarsiorerit aallartinneqassaguarpara kissaatigittuinnarparput Narsami atuarfeqarnissamik pisariaqartitsineq pisariaqartitsinermut

Imaqarniliaq
Kommunalbestyrelsi
Ataatsimiinneq 07/2011

naleqqussagaassasoq. Qaqortumi atuarfiup iluarsaanneranut tunngatillugu Namminersornerusut aningaasatigut akisussaaffik kommunimiit tigusimavaat, taamaalilluni pilersaarut tamakkerlugu naammassineqarsinnaangorlugu. Isumaqtigiissut taanna pilersinneqarsimammat assut nuannaarutigaara. Narsami atuarfiup iluarsaannissaa ukiuni marlunni kinguartinneqarpoq 2014-imi aallartitussangorlugu. Pisumi matumani Teknikkimut ingerlatsivik piумаффигинеqarsimavoq peqqigunnaartitsinermik pisoqarsinnaanerani takkuttoqaratarsinnaanersoq misissuiffigeqqullugu. Sanaartugassap immikkoortuata sisamaat kingumut suliariumannittussassarsiuuteqqinneqassanersoq Namminersortut misissulerpaat. Innuttaasunik ataatsimiisitseqattaarnissat sapaatip akunnerani ataatsimik kinguartinneqarput, ataasinngorpat Nanortalimmiit aallartinneqassallutik. Borgmesteri, ataatsimiititaliat siulittaasui partiillu siulittaasoqartitsinngitsut sinniissaat atorfillillu peqataassapput. Nakkutilliisoqarfiup ippassaq nalunaarutigaa Kaj Egede-p kommunalbestyrelsimiit ilaasortaajunnaarenermi kingornagut ilaasortanngoqqinniarnarluni maalaarutaa itigartinneqarsimasoq, tamatumani kommunip isummenera ilaleneqarluni. Pisarnertut ileqqut atorlugit sapaatiuppat orpiit ikinneqarumarput. Juullimut qilanaalereerpugut. Juulliaqqami Umiartortut Angerlarsimaffiata inuit kisermaat 43-it nerersuariartoqqusimavai. Taamatut suliniuteqarneq annertuumik qujamasuutigaarput. Nuannaarutigisimaqisannik 50-liininni pilluaqqussuterpasuarnut qujavunga. Ukiup nutaap aallartinnerani Narsarsuarmi innuttaasunik ataatsimiisitsinissamut kommunalbestyrelsimut ilaasortat peqataaqqullugit aggersarneqarlutik. Ilaatigut siunissami inuussutissarsiornermut tunngatillugu periarfissat oqaluuserineqassapput.

Aalajangerneq

Oqaatigineqartut ilanngullugit akuersissutigineqarpoq. Tulliani kommunalbestyrelsip ataatsimiinnissaanut kommunimi tunitsiviit pillugit killiffimmik Inuussutissarsiornermut Suliffeqarnermullu ingerlatsivimmiit saqqummiisoqassaaq. Nanortalimmi atuartut angerlarsimaffiannut tunngassuteqartut Thomas Ezekiasse-nip nassuiaatigai. Kommunip iluani oliamik ujaarlernermi misissueqqissaarnissat suunersut Aatsitassanut Ikummatissanullu pisortaqarfimmu saaffiginnissuteqartoqassaaq.

IMM. 3. ANINGAASATIGUT KILLIFFIK

Aningaasaqarnermik Ingerlatsivik ukiumi naatsorsuuteqarfimmi 2011-imi nammineq suliassaqarfimmini aningaasatigut killiffimmik 01.11.2011-meersumik kiisalu naatsorsuutit killiffiinik 04.11.11-imeersunik kiisalu ataatsimiititaliat allat kontuisa pingaernerit takussutissartaannik (kontumut pilersaarummi kisitsisit siulliit sisamat) nassiuusaqarpoq.

Akileraartarnermik aqutsisoqarfik nalunaarpoq akileraarutit siuumoorlugit tigusat amerlavallaat oktoberip naanerani 14,8 mio. kr.-iniit 13,2 mio. kr.-inut ikileriarsimasut. Akileraartarnermik aqutsisoqarfiup naatsorsuutigaa ukiumut naatsorsuutit inernerit 6,5 mio. kr.-iussasut.

Inatsisit tunngavigisat:

Aqutsinermut inatsimmi § 43 imm. 2

Aningaasartai:

Pisortaanerit inassuteqaataat:

Indstilles taget til orientering

Aningaasaqarnermut Ataatsimiititaliap ataatsimiinnera 142011:

Missingersuutininik sukangasuumik aqutsinissap ingerlatiinnarnissaa aalajangiusimallugu atuisimammut killiffiup ilisimatitsissutigineqarnera tusaatissatut tiguneqarput.

Aalajangerneq

Aningaasaqarnermut ataatsimiititaliap inassutaa akuersissutigineqarpoq.

IMM. 4 MISSINGERSUUTITIGUT NIKISITERINISSAMIK QINNUTEQAATIT

Aningaasartuutininut allannguutaanngitsumik missingersuutitigut nikisitsinissamik Allattoqarfik qinnuteqaateqarpoq.

Malugeqquneqarporli aningaasaqarnermut siunnersortip naatsorsuutigimmagu suliassaqarfimmi tassani atukkat 4 mio. kr.-it missaannik amerlanerussasut.

Atuarfeqarnermut meeqqeriveqarnermullu ataatsimiititaliaaq missingersuutitigut nikisitsinissamik aningaasartuutininut allannguutaasussaannngitsumik qinnuteqarteqarpoq.

Inatsisit tunngavigisat:

Aqutsinermut inatsit naapertorlugu

Aningaasartai:

Aningaasartuutininut allannguutaanngitsoq

Pisortaanerit inassuteqaataat:

Akuerineqassasoq inassutigineqarpoq

Aningaasaqarnermut Ataatsimiititaliap ataatsimiinnera 132011: Atuarfeqarnermut Meeqqeriveqarnermullu Ataatsimiititaliap qinnuteqaataa akuerineqarnissaa kaammattuutugalugu kommunalbestyrelsimut ingerlatinneqassasoq.

Aningaasaqarnermut Ataatsimiititaliap ataatsimiinnera 142011:

Akuerineqarnissaat inassutugalugu kommunalbestyrelsimut ingerlateqqinneqarput.

Immikkoortup suliarinerani Kiista P. Isaksen attuumassuteqarnini pissutugalugu najuutinngilaq.

Aalajangerneq

Akuersissutigineqarput.

IMM. 5. KOMMUNIP ANINGAASATIGUT KILLIFFIA PITSANNGORSARNIARLUGU ILIUSISSAT PILLUGIT NAALAKKERSUISUT NALUNAARUTAAT

Aningaasaqarnermut ataatsimiititaliap ataatsimiinneranik kingullermit imm. 6-ip nanginneqarnera. Kommunip aningaasaqarnera pillugu Naalakkersuisut kommunillu suleqatigiissitaata sulinera aallaavigalugu kommunip aningaasatigut killiffia pillugu aalajangiinernik Naalakkersuisut nassiussaqqarput.

Imaqarniliaq
Kommunalbestyrelsi
Ataatsimiinneq 07/2011

Inatsisit tunngavigineqartut:

Aqutsinermut inatsimmi § 41, imm. 1, 4 aamma 5.

Aningaasartai:

Kommunip aningaasatigut tigoriaanaateqarnikkullu aqutsinera isumannaallisarneqassaaq.

Pisortaanerit inassuteqaataat:

Allamik periarfissaqavissunngilaq kisianni Naalackersuisut aalajangererat tusaatissatut tigullugu. Narsami atuarfiup iluarsaannissaanut aamma tunngatillugu tusaatissatut tiguneqarput. Piffissap ingerlanerani Narsap aturfiani iluarsaanissamut atatillugu nalimmassaanissaq naalackersuisut ingerlatissagaat inassutigineqassaaq, taamaaliornikkut ineriartorneq atuartussaaitaasut amerlassusissaannut naleqqussarneqarniassammat.

Aalajangerneq

Isumaqatigiissut tusaatissatut tiguneqarpoq, Atuarfeqarnermut Meeqqeriveqarnermullu ataatsimiititaliap malinnaavigissavaa Namminersorlutik Oqartussat atuartussaaitaasut missingersorneranni meeqqat amerlassusissaata ineriartornissaat nalimmassarneqassanersoq, matumani aamma aatsitassarsiornerup siunissami ingerlalersinnaanerit eqqarsaatigalugu. Teknikkimut ingerlatsiviup piumaffigineqarpoq ataavartumik nalilersortuassagaa atuarfeqarnerup iluani iluarsaasariaqarnerup suut kingunerisinnaasai eqqarsaatigalugit.

IMM. 6. PINAVEERSAARTITSINERMUT SIUNNERSORTIP **ISUMAGINNITTOQARFIUP ATAANIINNERATA** **ISUMMERFIGEQQINNEQARNISSAANIK SIUNNERSUUT**

Pinaveersaartitsinermut siunnersortit isumaginnittoqarfiup ataaniinnerisa isummerfigeqqinneqarnissaannik Kiista P. Isaksenip siunnersuutaa. Siunnersortit kulturimut sunngiffimmullu ingerlatsiviup ataaniittariaqarnerinik siunnersuut tunngavilersorneqarpoq.

Namminersorlutik Oqartussat suliassaqarfiinik nuussineq pissutigalugu kommunip aqutsinermut ileqqoreqqusai allannqortittariaqalissanersut KANUKOKA-mut paasiniarneqarsimanersoq aamma apeqqutigineqarpoq. KANUKOKA tamanna pillugu akivoq ”suliassaqarfinnik ataatsimiititaliat akornanni suliassaqarfiit agguataarnerat pillugu aalajangersagaareersunut imaaliinarlugit ilanngunneqarsinnaanngitsunik kommuninut nuussisoqarpat kommuni aqutsinermut ileqqoreqqusaminik allannqortitsisariaqarsinnaavoq.

Isumaginninnermut ataatsimiititaliap siunnersuut oqaluuserereerlugu itigartinneqarnissaanik inassuteqaateqarpoq pinaveersaartitsinermut siunnersortit isumaginnittoqarfiup ataaniitsiinnarneqarnissaat kissaatigineqarmat.

Inatsisit tunngavigineqartut:

Aqutsinermut inatsimmi § 42, imm. 1.

Aningaasatigut kingunissai:

Ilaqutariinnik sullissiviup, angalaarlutik pinaveersaartitsisut kiisalu pinaveersaartitsinermut siunnersortit ataatsimuulersinneqarnerisigut ukiumut 400.000 kr.-it ileqqaarutigineqarnissaat Isumaginninnermik Ingerlatsiviup tikkuarsimavaa. Siunnersuut manna naammassineqassagaluarpat

Imaqarniliaq
Kommunalbestyrelsi
Ataatsimiinneq 07/2011

ileqqaarutissat taakku naammassineqarsinnaassanngitsut Isumaginninnermut pisortamit oqaatigineqarpoq.

Pisortaanerit inassuteqaataat:

Isumaginninnermut ataatsimiititaliap inassuteqaataa taparserneqarpoq, aamma ukiumut ileqqaarutigineqarsinnaasut 400.000 kr.-it ilanngullugit. Kommunini allanissaaq siunnersortit isumaginnittoqarfiup ataaniipput.

Aningaasaqarnermut Ataatsimiititaliap ataatsimiinnera 102011: Isumaginninnermut ataatsimiititaliap sulii oqaluuserisimannimmagu ataatsimiinnermut tullermut kinguartinneqarpoq.

Kommunalbestyrelsi ataatsimiinnera 052011: Ataatsimiititaliami oqaluuserineqqaartariaqarnera pillugu suliaq kommunalbestyrelsi ataatsimiinnissaanut tullermut kinguartinneqarpoq.

Aningaasaqarnermut Ataatsimiititaliap ataatsimiinnera 142011:

Maannakkut ingerlaatsip Isumaginninnermut ataatsimiititaliap allannortinneqannginnissaanik isummiussimasaatut kommunalbestyrelsimut inassutigalugu ingerlateqqinneqarpoq.

Aalajangerneq

Isumaginninnermut ataatsimiititaliap inassuteqaataa 14-it isumaqatigaat. Kiista P. Isaksen taamatut aalajangerneq akerleraa, taamaattorli pitsaaliuinnermut siunnersortit isumaginninnermut ingerlatsiviup ataaniinnassapput.

IMM. 7. KOMMUNIP INISSIAATAANI INEQARNERMUT AKILIUTIT QAFFANNEQARNISSAAT PILLUGU KUKKUNERSIUISUNIIT NASSUIAAT.

Siusinnerusukut ineqarnermut akit qaffattariaqarsimanersut kiisalu siunissami qaffattariaqarnersut pillugit kommunalbestyrelsi apeqquteqaataanut BDO-mi Kommuninik Kukkunersiuisoqarfiup akissutini nassiuppai.

Ineqarnermut akit siusinnerusukut qaffattariaqarsimanersut

2009-imi ineqarnermut immikkoortortat naatsorsuutaanut kukkunersiuinnermi oqaaseqaataasimasut innersuussutigaaavut. Immikkoortortani qassiini amigartoortutunik amerliartorsimasunik ukiuni aggersuni matussuserniagassaartoq oqaatigineqarpoq. Immikkoortortaq ataaseq pillugu oqaatigineqarpoq amigartoortit eqiterneqarsimasut matussuserniarlugit ukiuni aggersuni aningaasat ikigisassaannngitsut missingersuutinut ilanngunneqartariaqassasut.

Aammattaq illuartitat naammannersut paasiniarlugu aserfallatsaaliinnermut nutarterinermullu pilersaarutit misissorneqarnissaat nutarterneqarnissaallu kaammattuutigaarput.

Taamaammat isumaqarpugut minnerpaamik 2010-miilli immikkoortortat qassiit eqqarsaatigalugit amigartoortit eqiterneqarsimasut matussuserniarlugit ineqarnermut akiliutit qaffanneqarsimasariaqaraluartut.

Ineqarnermut immikkoortortani pissutsit assigiinnngissitaarput. Ineqarnermut immikkoortortani atasiakkaani amigartoortit matussuserniarlugit ukiuni siuliini ineqarnermut akiliutit qaffanneqarsimasariaqaraluarput.

Imaqarniliaq
Kommunalbestyrelsi
Ataatsimiinneq 07/2011

Ineqarnermut akiliutit qaffanneqarnerannut taarsiullugu aserfallatsaaliinermut nutarterinermullu pilersaarutitigut tamanna ajornassangnippat aserfallatsaaliinermut aningaasartuutit ileqqaarfigineqarsinnaapput.

Ilisimatitsissutigissavarpulli ineqarnermut immikkoortortat arlaannaalluunniit ileqqaakkamigut 2009-imi amigartooruteqanngimmat (aserfallatsaaliinermut illuartitat il.il. amigartoorutinik ilanngarlugit).

Siunissami ineqarnermut akiliutit qaffannissaat

2010-imi ineqarnermut immikkoortortat arfineq-pingasut akornanni arfinillit ileqqaakkamikkut amigartooruteqarput (aserfallatsaaliinermut illuartitat il.il. amigartoorutinik ilanngarlugit) ilisimatinneqarpugullu immikkoortortani tamani ineqarnermut akiliutit 2012-imi 10%-imik qaffanneqarnissaat ilimasaarutigineqarsimasoq.

Ineqarnermut akiliutit qaffaataat taakku naammannersut oqaatigiuminaappoq tassami aserfallatsaaliinermut nutarterinermullu pilersaarutit sulii nutarterneqarsimangimmata.

Isumaqarpugulli 2010-ip naanerani ineqarnermut immikkoortortat ilaat aserfallatsaaliinermut nutarterinermullu illuartitaqarsimangimmata immikkoortortani illuartitat qaffarniarlugit ineqarnermut akiliutit sulii qaffaqqittariaqassasut.

Ilanngulluguli ilisimatitsissutigisariaqarpoq 2011-imi august/septemberimi tikeraarnitsinni paasisimagatsigu 2011-imi missingersuutini aserfallatsaaliinermi nutarterinermilu ileqqaartoqarsimasoq.

Nalunaarut naapertorlugu ineqarnermut akiliutit aalajangerneqartartussaapput oqimaaqatigiisitsinermik taasaq tunngavigalugu.

Ineqarnermut akiliutit ilaat inissiat aserfallatsaaliineqarnerannut atorneqartarput. Kisiannili aserfallatsaaliinermut illuartitat naammannersut naliliiffigisinnaanngilarput aserfallatsaaliinermut nutarterinermullu pilersaarusiortoqarsimangimmat. Nalunaarut naapertorlugu aserfallatsaaliinermut nutarterinermullu pilersaarutit minnerpaamik ukiunut tulliuttunut qulinut tunngasut suliarineqartussaapput, soorluttaaq aserfallatsaaliinermut pilersaarusiortumut ilanngullugu aningaasani illuartitani uninngasuutit allanngornerat malillugu ukiumut agguataakkanik aningaasanik tigoriaannarnik missingersuusiortoqarsimasussaasoq.

Inatsisit tunngavigineqartut:

Aqutsinermut inatsimmi §§ 42, imm. 1 aamma 44, imm. 1.

Aningaasartai:

Pisortaanerit inassuteqaataat:

Kukkunersiuisut nassuiaataat tusaatissatut tiguneqarallassoq kommunalbestyrelsillu ineqarnermut tunngasunik suliaanut ilanngunneqassasoq.

Aningaasaqarnermut ataatsimiititaliap ataatsimiinneranit 14/2001:

Pisortaanerit inassutaat akuerineqarpoq, immikkoortullu matumap suliarinissaanut teknikkimut pisortaq nassuiaateqarqullugu aggersarneqassaaq. Ineqarfiit aningaasaqarniarnerat aallaavigalugu

inissianut akiliutit qaffaqinneqarnissaanut naatsorsuuteqarnersut Inissiaatileqatigiiffik INI A/S-imut paasiniarneqassaaq. Siunissami ineqartut akiliutaasa qaffarujussuartaanginnissaat siunertaralugu inissiaatileqatigiiffik piumaffineqassaaq siunissami qaffaanissat ataavartumik ingerlanneqarniassammata.

Aalajangerneq

Takuuk immikkoortoq 11-imi aalajangiussaq.

IMM. 8. 2012- MUT MISSINGERSUUTIT AAPPASSAANNEERNEQARNERAT

2012-mut missingersuutit aappassaanneerpeqarnerat

2012-mi missingersuutit oqimaaqatigiissikkumallugit 18,7 mio. kr.-it ileqqaarutigineqartariaqarput. Pisortaqaatigiit kiisalu immikkut siunnersorti Leif Scharling nunami namminermit naalackersuisoqarfimmeersoq ileqqaarutissanik sulii allanik ataatsimiititaliani oqaluuserineqartussanik siunnersuuteqarput, ataatsimiititaliallu ileqqaarutissanik sulii allanik kingorna siunnersuuteqarput naatsorsukkani ilanngussani takuneqarsinnaasunik.

Nakkutilliinermut oqartussaniit inerniliussat ilisimatitsissutigineqartut:

- Innuttaasut katitigaanerit. Utoqqaat amerliartornerat inuusuttullu ikiliartornerat ingerlatsinermut sa-naartornermullu aningaasartuutaajumaartunut sunniuteqartussaavoq. Taamaamat salliutillugit sulii-niutigineqartut meeqqanum inuusuttunullu tunngassuteqartuniit utoqqarnut tunngassuteqartunut niki-sinneqartariaqarput.
- Kanukokap naleqqersuinermit kisitsisaatai atorsigit kisitsisillu naleqqersuutsissat allat atuisunut tunngassuteqartut suliaralugit.
- Ingerlatani allani ileqqaarutit, soorlu isumaginnittoqarfimmi aammalu ilinniartitaanermut kulturimul-lu tunngasut suliamut tassunga ilanngunneqartariaqarput. Aammalu ingerlatat minnerusut, soorlu inuussutissarsiorneq, misissuiffigineqartariaqarput.
- Itigartitsineq ilinniarniarsiuk.
- Kommune Kujalleq qaammatikkaartumik aningaasatigut killiffimmik ukiup sinneranut missingiutita-limmik nassiussaqartassaaq (amma Aningaasaqarnermut Ataatsimiititaliamut nassiunneqartartus-samik.)
- 2012-imi ukiunilu aggersuni sinneqartoortuginiakkat qaffanneqartariaqarput kiisalu kommuni 2011-ip sinnerani aningaasartuutit pillugit sukangasumik ingerlatsinerminik nangitsisariaqarluni.
- Kommune ileqqaaruteqarnermigut tigorianaannarnik aningaasaateqarnini pitsaanerulersittariaqar-paa. Tamanna ilaatigut anguneqarsinnaavoq kommunip allaffissornermi iliorsimanermisulli ingerlatsi-nermut kontumini tamani aningaasartuutit ikilineqarnissaat siunertaralugu misissuataarineratigut.

Aningaasaqarnermut Ataatsimiititaliaq missingersuutissatut siunnersuutini naammassisanik nas-siussaqartariaqarami ileqqaarutissatut siunnersuutini takkussimasunik pingaarnersuisariaqarpoq.

Inatsisit tunngavigineqartut:

Aqutsinermut inatsimmi § 42, imm. 1.

Aningaasartai:

18,7 millioner kr.-it ileqqaarutigineqartariaqarput.

Imaqarniliaq
Kommunalbestyrelsi
Ataatsimiinneq 07/2011

Pisortaanerit inassuteqaataat:

18,7 millioner kr.-inik ileqqaaruteqarniarnissaq ingerlatiinnarneqassasoq.

Aningaasaqarnermut Ataatsimiititaliap ataatsimiinnera 142011:

Kommunalbestyrelsip akuersinissaa inassutigalugu ingerlateqqinneqarpoq, sipaarutissatulli siunnersuutigineqartut akuerineqassasut makkua ilanngunnagit:

<i>Atualersussanik piareersaaneq</i>	<i>410.000 kr.</i>	
<i>Atuartunik nerisaqartitsineq</i>	<i>800.000 kr.</i>	
<i>Atuarfinnik atorunnaarsitsineq</i>	<i>706.000 kr.</i>	<i>Saarloq, Igaliku aamma Egalugaarsuit</i>
<i>Qaqortumi bussit</i>	<i>700.000 kr.</i>	<i>Namminersortunngorsarsinnaa misissorlugu</i>
<i>Meeqqat timers. Angalaneri</i>	<i>480.000 kr.</i>	
<i>GM/timersortarfiit attartorneri</i>	<i>265.000 kr.</i>	<i>Meeqqanut</i>
<i>10-40-50 tapiissutit</i>	<i>400.000 kr.</i>	
<i>Narsamit eqqag.angall.unitsillugu</i>	<i>-</i>	<i>400.000 kr. (bussit namminersortunngortinneqarsinnaappata)</i>
<i>Atuartunik paarsineq</i>	<i>1.700.000 kr.</i>	
<i>Narsami kollegia</i>	<i>518.000 kr.</i>	
<i>Teknikkimi iluarsartuussinerit</i>	<i>- 1.000.000 kr.</i>	
<i>Sulisoqarnermut aningaas. tamani</i>	<i>- 1.000.000 kr.</i>	

Aalajangerneq

Aningaasaqarnermut ataatsimiititaliap inassutai akuersissutigineqarput, akileraarutissaq 28%-iusoq allanngortinnagu. Missingersuutip nalilersoqqissinnaanera februarimi immaqalu majimi ataatsimiinnissani ingerlanneqarsinnaavoq paasissutissanik nutaanik takkuttoqarsimassappat.

IMM. 9. PBS-MUT IKAARSAARIARNISAMIK KOMMUNIMILU KARSIT ATORNEQARUNNAARNISSAANNIK SIUNNERSUUT

Aningaasaqarnermut ataatsimiititaliami oqaluuserineqartarsimasut innersuussutigalugit aningaasaqarnermik ingerlatsivik siunnersuuteqarpoq inatsimmi periarfissarititaasut naapertorlugit akiligassat aalajangersimasut tamarmik ukiup nikinneraniit PBS-ikkut akilerneqartalermissaannut kommuni ikaarsaassasoq.

Aammattaaq inassutigineqarpoq inatsimmi periarfissat naapertorlugit piffissaq taanna eqqorlugu kommuni karsinik atuijunnaassasoq taamalu akiliutit tigusassallu tamarmik aningaaserivik aqqutigalugu pisolissasut.

Inatsisit tunngavigineqartut:

Aqutsinermut inatsimmi § 44, imm. 1.

Aningaasatigut kingunissai:

Akiitsut ikiliartornerat.

Pisortaanerit inassuteqaataat:

Siunnersuutip akuerineqarnissaa inassutigineqarpoq kiisalu tamakku pillugit innuttaasunut paasititsiniaanerit siunnersuutigineqartut piaarnerpaamik aallartinneqartariaqarlutik.

Aningaasaqarnermut Ataatsimiititaliap ataatsimiinnera 142011:
Kommunalbestyrelsip akuersinissaa inassutigalugu ingerlateqqinneqarpoq. Manna pissutigalugu 2012-imiit akissarsisitsisarnissani Namminersorlutik Oqartussat ullut tunniussivissaat malinneqalissapput akiitsunitsinnginnissaq siunertaralugu suliaqarnermi, aammalu akissarsiatigut ilanngaassuinerit unitsinneqassapput. Kommunimi najugaqarfinni tamani utoqqalinersisartunut qaammarsaanissaq ingerlanneqalissaaq.

Aalajangerneq

Inassuteqaat akuersissutigineqarpoq taamaalilluni karseerunnissaq aamma akuerineqarluni.

IMM. 10. KOMMUNIP ILLUUTAASA OQOQARNERANNIK MISISSUIFFIGINEQARNISSAANNIK KAJ LYBERTHIP SIUNNERSUUTAA

Kommunip illuutaasa qassit oqoqarnerat pissutigalugu kommunip illuutaasa oqoqarnerannik misissuinissamut teknikkeqarfik pilersaarusiussasoq Kaj Lyberth-imit siunnersuutigineqarpoq.

Teknikkimut pisortap inassutigaa ingerlatsivinni pisortat tamarmik ingerlatsiviminni illunik atorneqartunik nalunaarsuissasut – nalunaarsukkani taakkuni illut qanoq atorneqarneri kiisalu ingerlatsinerit missingersuutini aserfallatsaaliinerit qanoq aningaasartaqarneri nassuiarneqarsimassapput.

Tamatuma kingorna teknikkeqarfiup illut taakku misissuataassavai qanoq issusiinik ataatsimut naliliinissaq siunertaralugu, misissuinerillu taakku illut pineqartut piffissakkuutaartumik pilersaarusiukkamik aserfallatsaaliinerit pilersaarusiordfigineqarnerannut tunngaviussapput, taamalu kommunalbestyrelsip aningaasaliinerit pilersaarusiornissaanut tunngavissiortoqassalluni. Misissuineri siullermi ISS oqoqarnerannik misissuinerit ikiuussinnaavoq taamaalilluta kommunip illuutaani ”navianarlunnartut” pinngitsoorsinnaaniassagatsigit. Tamatuma saniatigut teknikkeqarfik paaqqinnittarfinnut/sullissivinnut assigisaannullu paasissutissiissutinik suliaqassaaq illut taakku qanoq oqunnaveersaartinneqarnissaannik siunnersuutitalinnik. Amerlanerpassuartigut silaannarissartarneq isumatusaarnerlu apeqquagaaginnartarput.

Inatsisit:

Aqutsinerit inatsimmi §§ 42, imm. 1, tak. 44, tak. 1

Aningaasatigut kingunissai:

Aningaasat aalajangersimasumik amerlassusillit, soorlu 250.000 kr. suliaassamut tassunga teknikkeqarfimmiit immikkoortinneqassapput.

Pisortaanerit inassuteqaataat

Siunnersuut tapersersugassaqqissoq.

Aningaasaqarnermut Ataatsimiititaliap ataatsimiinnera 142011:

Ialerneqarnissaa inassutigalugu kommunalbestyrelsimut ingerlateqqinneqassaaq.

Aalajangerneq

Siunnersuut akuersissutigineqarpoq teknikkimut ingerlatsivik piumaffigineqarpoq pilersaarusiogqullugu.

**IMM. 11. KOMMUNIP INISSIAATAI PILLUGIT 2010-MI UKIUMOORTUMIK
NAATSORSUUTINUT KUKKUNERSIUISUT OQAASERIUMASAAT.**

Teknikkimut Ataatsimiititaliap 16. september 2011 ataatsimiinnermini Kommune Kujalliup inissiaataanni attartortittakkani ukiumoortumik naatsorsuutit oqaluuserai. Naatsorsuutit akuerineqarnissaannik Aningaasaqarnermut Ataatsimiititaliamut kiisalu Kommunalbestyrelsimut inassuteqarniarluni kiisalu kommunip inissiaataanni attartortittakkani ineqarnermut akiliutit 10%-imik qaffanneqarnissaannik aamma inassuteqaateqarniarluni Ataatsimiititaliap aalajangerpoq. Ataatsimiititaliap aalajangernerata kingorna aningaasaqarnermut ataatsimiititaliamit kommunalbestyrelsimillu akuerineqarpoq.

Ineqarnermut naatsorsuutit taakku politikikkut suliarineqarnerannut atatillugu paasissutissani takuneqarsinnaasutut Kommunit Kukkunersiuisoqarfiat ukiumoortumik naatsorsuutininik naatsorsuilereersimavoq.

BDO Kommunernes Revision maanna kommunip inissiaataanni 2010-mut ukiumoortumik naatsorsuutininut oqaaseqaamminik nassiussaqsarimavoq.

Oqaaseqaatini taakkunani takuneqarsinnaasutut kommunip inissianut immikkoortortai amigartooruteqarsimapput, kiisalu kommunip inissianik aqutsiviani aningaasanik aqutsineq naammassimangilaq.

Kommunimi tamarmi kommunip inissiaataanik attartortitsinermik Teknikkeqarfimmi Ineqarnermut Immikkoortortap aqutsisussanngorneratigut ajornartorsiutaalersut Teknikkeqarfimmiit 2010-mi upernaakkut qasseeriarluni tikkuartorneqartarsimapput. Suliassat isumagineqarneranni ajornartorsiutaasut Teknikkimut Ataatsimiititaliap 31. marts 2010 ataatsimiinnerani immikkoortoq 8-imi erseqqissarneqarput pisortap ilungersorluni kissaatigimmagu suliassaq politikikkut qanoq iliuuseqarfigineqartariaqartoq – Teknikkimullu Ataatsimiititaliap suliamik tigusineratigut Ineqarnermut immikkoortortaq kommunip ikinngutaanit sapaatit akunneranni marlunni ikiorteqartinneqarpoq, kiisalu aasaanerani sulisumik allamik atorfinitsitsinissaminik ”akuerineqarluni”. Iliuuserineqartut taakku naammanginnerat paasilluarlugu Inissiaatileqatigiiffimmut INI A/S-mut ineqarnermik aqutsinerup maanna tunniunneqarneranik kinguneqartumik taamani suliniartoqalerpoq.

Inatsisit tunngavigineqartut:

Aqutsinermut inatsimmi § 44, imm. 1 kiisalu Inissianik attartortitsisarneq pillugu Inatissartut peqqussutaat nr. 2, 12. maj 2005-imeersoq.

Aningaasatigut kingunissai:

Attartortitsisarnermut inatsit naapertorlugu.

Suliaq siusinnerusukkut Teknikkimut, Ineqarnermut Avatangiisinullu Ataatsimiititaliamit 4. november 2011-imi immikkoortut arferngattut oqaluuserineqarpoq imalu aalajangiisoqarluni:

Ataatsimiititaliap Ineqarnermut immikkoortortat 2010-mi naatsorsuutaasa politikikkut suliarinerisigut aningaasatigut pissutsit ilisimasimavai. Aammattaaq ilanngullugu oqaatigineqarpoq ukiuni kingullerni marlunni missingersuutit pillugit isumasioqatigiittarnerni ineqarnermut immikkoortortani ineqarnermut akiliutit piaartumik qaffattariaqalernerat Ingerlatsiviup oqaatigisarsimmagu.

Imaqarniliaq
Kommunalbestyrelsi
Ataatsimiinneq 07/2011

Pissutsit suliassaqarfimmi tassani atuuttut Kukkunersiuisut oqaaseqaataasigut naqissuserneqartut Ataatsimiititaliamit ajuusaarutigineqarput. Ataatsimiititaliap ilisimavaa Ingerlatsivikk siusinnerusukkulli ikiortissarsiortarsimammat, ilaatigut Ataatsimiititaliap aqutugalugu Ingerlatsivik 2010-imi upernaakkut toqqaanartumik ikiortissarsiorsimammat. 2010-imi aasaanerani tamakkiisuunngitsumik ikiuuttoqarpoq, naammangitsumilli. Ikiuineq taanna naammangitsoq paasinarsimmat inissianik aqutsinerup Inissiaatileqatigiiffimmut INI A/S-imut isumagisassanngortinneqassasoq aalajangerneqarpoq.

Suliaq Aningaasaqarnermut Ataatsimiititaliamit kiisalu Kommunalbestyrelsimit suliarineqassaaq.

Aningaasaqarnermut Ataatsimiititaliap ataatsimiinnera 142011:
Suliarineqarnermut inassutugalugu kommunalbestyrelsimut ingerlateqqinneqassaaq. Ajornartorsiutinut aningaasaqarnermut ataatsimiititaliap ilisimaarinnikkami ikiorsiisoqarnissaanik akuersissuteqarsimavoq, ikiorsiiniarnerli pitsanngorsaatissanik kinguneqartinneqartarsimangillat.

Aalajangerneq

Aningaasaqarnermut ataatsimiititaliap inassutai akuerineqarput.

Akiliivallaarsimasut aammalu akiliinikippallaarsimasut eqqarsaatigalugit Teknikkimut ataatsimiititaliap Aningaasaqarnermut ataatsimiititaliamut inassuteqassaaq, taamaalilluni Aningaasaqarnermut ataatsimiititaliap piginnaatinneqarpoq suleriaqqinnissaanik, matumani aamma oqaatigineqarluni isumakkeerinninnissamik kontop imai sinneruttut atorineqarsinnaasut. Aningaasat atorfissaqartinneqartussat isumakkeerinninnermut 500.000 koruunit sinnersimappatigit, taava kommunalbestyrelsimut saqqummiisoqassaaq.

Ineqarfinnut ataasiakkaat pillugit erseqqissarneqassaaq ineqarnernut akiliutip qaffanneqarnissaanik procentinik qulinik qaffaaniarnerit tamanut atuutisammata.

IMM. 12. KOMMUNIT INISSIAATAASA NIOQQOUTIGINEQARNERAT

Ukiup ingerlanerani kommunip illuutaanik, Narsami, Igalikumi Qassiarsummilu ittunik attartortut illunik tulluullugit taaneqartunik tigusiumallutik kissaataat tiguneqartarsimapput.

Ilanngunneqarputtaaq illut ataasiakkaat ullormi taaneqartumi pitsaassusiinik akiinillu naliliinerit.

Illu Qassiarsummiittoq misissorneqarmat paasineqarpoq nutartigassaasoq.

Illu Igalikumiittoq kingullertigut annikinnerusunik iluarsarneqarsimavoq/nutarterneqarsimavoq, taamattaarlu illu Narsamiittoq attartortumit namminermit isumaqatigiissuteqarnikkut nutarterneqarsimalluni.

B-nr. - sumi:	Attartor- toq:	Qanoq ittoq:	Sananeqar- fia:	Pitsaassusia/akia:
B-35, Narsaq	Miilu P. Isaksen	A II	1950	Pr. 16.03.2011: Kr. 31.634

Imaqarniliaq
Kommunalbestyrelsi
Ataatsimiinneq 07/2011

B-861, Qassiar- suk	Hans Ole Frederik- sen	67/12	1971	Pr. 27.05.2011: Kr. 116.395
B-993, Igaliku	Kristian Egede	GTO Type 75c	1975	Pr. 30.05.2011: Kr. 26.996

Teknikkeqarfiup misilittagai naapertorlugit illut sumiiffigisaanni taakkunani ”Teknikkikkut qanoq issusii aallaavigalugit akiinik naliliineq” tassaasarpog nalingat qaffasinnerpaaq. Tassa imaappog nioqqutigineqarnerini akigititassatut siunnersuutigineqartut naammaginartuupput.

Illut tunniuneqassappata piginnittuunermut uppersarsaat suliarineqassaaq, aammalu illup allamit pigineqalerneranut atatillugu nunaminertamik atugassanngortitsisoqassalluni. Nunaminertamik atugassanngortitsinermut atatillugu ukiup ataatsip ingerlanerani illup nutarterneqarnissaa piumasaaqatigineqarsinnaavoq.

Suliaq aningaasaqarnermut ataatsimiititaliamut kiisalu kommunalbestyrelsimut saqqummiunneqassaaq.

Inatsisit tunngavigineqartut:

Kommunip piginnaatitsissutaa kiisalu Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq kiisalu Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq

Aningaasartai:

Kommuni nioqquteqarnermini isertitaqassaaq- nioqquteqarnermi aningaasartuutit tamarmik pisi-sumt isumagineqassapput.

Piumasaaqat:

Ukiut marluk qaangiutsinnagit pisisup illu iluarsassavaa, taamaangippat pisineq kommunip atorrunnaarsissinnaavaa.

Aningaasanik taaneqartunik, nioqquteqarnermi aningaasartuutunik ilasanik akilerlugit illut pineqartut nioqqutigineqarnissaat kaammattuutugalugu aningaasaqarnermut ataatsimiititaliamut suliap saqqummiunneqarnissaanik Teknikkimut Ataatsimiititaliaq aalajangerpoq.

Pisortaanerit inassuteqaataat:

Kommunalbestyrelsimit akuerineqassasoq inassutigineqarpoq

Aningaasaqarnermut Ataatsimiititaliap ataatsimiinnera 142011:

Akuerineqarnissaat inassutugalugu kommunalbestyrelsimut ingerlateqqinneqassaaq.

Attuumassuteqarnini pissutugalugu immikkoortup suliarinerani Kiista P. Isaksen ataatsimiittarfimmiit qimaguppoq.

Aalajangerneq

Akuersissutigineqarput.

IMM. 13. PPR-IP TIGUNEQARNERA

Atuarfeqarnermut meeqqeriveqarnermullu ataatsimiititaliamit inassutigineqarpoq PPR aappaagu-miit kommunip namminersorlutik oqartussaniit tigussagaa. Tigusinissaq kinguardeqqinneqassaga-luarpat tigusinermi atugassarititaasut ajorseriarnissaat ataatsimiititaliamit aarleqqutigineqarpoq. Tamanna tunngavigalugu aningaasat atugassat neqeroorutigineqartut tunngavigalugit tiguserup pinissaa inassutigineqarpoq.

Inatsisit tunngavigineqartut:
Aqutsinermut inatsimmi § 42, imm. 1.

Aningaasartai:
Aningaasartuutit namminersorlutik oqartussat neqeroorutigisaattut amerlassuseqassappata aningaasartuutaqqissanngilaq.

Pisortaanerit inassuteqaataat:
PPR inassutigineqartutut tiguneqassasoq, suliassaqrfilli ataatsimoortumik tapiissutitigut utertinneqartartutut aningaasartalerlugu missingersuutini allanngortussaajunnaarlugu aningaasartalerneqassasoq.
Aningaasaqarnermut Ataatsimiititaliap ataatsimiinnera 142011:
Pisortaanerit inassutaat akuerineqarpoq.

Aalajangerneq

Aningaasaqarnermut ataatsimiititaliap inassutigisaa akuersissutigineqarpoq.

IMM. 14. KUKKUNERSUINERMIT NALUNAARUT NR. 7

BDO Kommunernes Revisionsafdelingip nassiuppaq Nalunaarut nr. 7 – 2010-imi Namminersorlutik Oqartussat suliassaqrifiinik kommunit naatsorsuutaaniittunik kukkunersiuineq.

Aningaasaqarnermik Ingerlatsivik akissutissatut siunnersuummik nassiussaqrpoq.

Inatsisit tunngavigineqartut:
Aqutsinermut inatsimmi §44, imm. 1.

Aningaasartai:
?

Pisortaanerit inassuteqaataat:
Akuerineqarmissaa kaammattuutugalugu kommunalbestyrelsimut ingerlateqqinneqassasoq.

Aningaasaqarnermut Ataatsimiititaliap ataatsimiinnera 142011:
Akuerineqarmissaa inassutigalugu kommunalbestyrelsimut ingerlateqqinneqassaaq. Ingerlatsiviit ataasiakkaat iluini suleriutsit pilersinneqartariaqarput.

Aalajangerneq

Akissutissatut siunnersuutigineqartut akuersissutigineqarput sullissinermi periutsit sukateriffigineqarnissaat piumasarlugu.

IMM. 15. KUKKUNERSUINERMIT NALUNAARUT NR. 8

BDO Kommunernes Revisionsafdelingip nassiuppa Nalunaarut nr. 8 – 2010-mut naatsorsuutit kukkunersiorneqarnerat. 2010-mut inaarutaasumik nalunaarut

Aningaasaqarnermik Ingerlatsivik akissutissatut siunnersuummik nassiussaqrpoq.

Inatsisit tunngavigineqartut:

Aqutsinermut inatsimmi §44, imm. 1.

Aningaasartai:

?

Pisortaanerit inassuteqaataat:

Akuerineqarnissaa kaammattuutigalugu kommunalbestyrelsimut ingerlateqqinneqassasoq.

Aningaasaqarnermut Ataatsimiititaliap ataatsimiinnera 142011:

Akissutissatut siunnersuutip akuerineqarnissaa inassutigalugu kommunalbestyrelsimut ingerlateqqinneqassaaq.

Aalajangerneq

Akuerineqarpoq.

PKT. 16. GARDAR FOUNDATION

Aningaasaqarnermut ataatsimiititaliap 20. juni ataatsimiinnerani oqaluuserisassani imm. 14-ip nangingeqarnera. Gardar Foundationip Inuussutissarsiornermut suliffeqarnermullu immikkoortortap ataaniilernissaanik ataatsimiititaliap siulittaasuata Kalistap siunnersuutaa akuerineqartussatukaammattuutigalugu Inuussutissarsiornermut suliffeqarnermullu ataatsimiititaliap nassiuppa.

Tunngavissat pigineqartut aallaavigalugit pingasut akuersineratigut marlullu akerliuneratigut (Kaj Lyberth aamma Lisbeth Søvdahl Pedersen) Aningaasaqarnermut Ataatsimiititaliaq siunnersuummik itigartitsiniarluni aalajangerpoq. Kulturimut sunngiffimmullu ataatsimiititaliaq oqaaseqartinneqassaaq, tamatumalu kingorna suliaq nangingeqassalluni. Ataatsimiititaliaq taanna akissuteqaqqullugu nukingisaarneqarpoq.

27. juni kommuni aammalu Gardar Foundation qallunaatsiaat illuisa sanaqqitat ingerlanneqarnissaat aserfallatsaalineqarnissaallu siunertarlugu isumaqatigiissuteqarput. Aasaanerani takornariartitsisoqartarneq takornariat akiliisinneqarnerisigut aningaasalersorneqassaaq.

Imaqarniliaq
Kommunalbestyrelsi
Ataatsimiinneq 07/2011

Takornariartitsinermut pisortat Qassiarsummi suliap takornarianut tunngasortaa pillugu saaffiginnissutaannik ilisimatitsissut. Takornariartitsinermut pisortat saaffiginissutaat Ataatsimiititaliamit tusaatissatut tiguneqarpoq saaffiginnissullu Aningaasaqarnermut Ataatsimiititaliamut aammalu Kulturimut Ataatsimiititaliamut ingerlateqqinneqarluni. Ataatsimiititaliap siusinnerusukkut Qassiarsuk pillugu siunnersuut oqaluuserereersimavaa Aningaasaqarnermullu Ataatsimiititaliamut ingerlateqqissimallugu. Suliap suliareqqinneqarnissaa Ataatsimiititaliamit nukingisaarutigineqarpoq. Qassiarsummut tunngasup takornariartitsineq pillugu isumasioqatigiinnermi oqaluuserineqarnissaa siunnersuutigineqarpoq.

Inatsisit tunngavigineqartut:
Aqutsinermut inatsimmi § 45, 4).

Aningaasatigut kingunissai:
Kommunip ukiumoortumik tapiissutigisartagai

Pisortaanerit inassuteqaataat:
Gardar Foundationip aalajangigai takornariartitsinermut tunngasut akuerineqassasut. Isumaqatigiissut isumaqatigiissutigineqartoq tunngavigalugu Gardar Foundationip kulturimut sunngiffimmullu tunngasunik suliaqarfimmiiginnarnissaa inassutigineqarpoq.

Aningaasaqarnermut Ataatsimiititaliap ataatsimiinnera 142011: Gardar Foundationimut ukiumoortumik tapiissutigineqartartut nanginneqassapput, aningaasalli taakku inuussutissarsiornikkut suliffeqarnikkullu suliaqarfimmut nuunneqarnissaat inassutigineqarpoq.

Oqaluuserisamut attuumassuteqarnini pissutigalugu Kaj Lyberth immikkoortup suliarineqarnerani najuutinngilaq.

Aalajangerneq.

Aningaasaqarnermut ataatsimiititaliap inassutaa 13-init akuerineqarpoq. Taamatut isummernermut Kiista P. Isaksen akerliuvoq, matumani pissutigalugu suleriaasissaq tamakkiisumik malinneqarsimangimmat. Ilaasortanngorpoq Kalistat Lund sinniisussaralugu Lisbeth Søvndahl Pedersen.

IMM. 17. KOMMUNALBESTYRELSIP 2012-IMI ATAATSIMIIFFISSAATUT ILERSAARUTIT

2012-imi kommunalbestyrelsip ataatsimiiffissaatut pilersaarutininik allaffeqarfik nassiussaqaarpoq

Inatsisit tunngavigisat:
Aqutsinermut inatsimmi § 8 imm. 1

Aningaasartai:
Ingen

Pisortaanerit inassuteqaataat:
Akuerineqassasoq inassutigineqarpoq

Imaqarniliaq
Kommunalbestyrelsi
Ataatsimiinneq 07/2011

Aningaasaqarnermut ataatsimiititaliap ataatsimiiffissaatut pilersaarut akuerineqarpoq.
Kommunalbestyrelsip ataatsimiiffissaatut pilersaarutip akuerineqarnissaa ilalerlugu
kommunalbestyrelsimut ingerlateqqinneqassaaq.

Aalajangerneq

Godkendt. Mødet den 28. - 29 februar afholdes i Narsaq, medens mødet 30. maj maj afholdes i Nanortalik. De øvrige de to møder afholdes i Qaqortoq, 26. september og 28. november.

Akuerineqarpoq. Narsami ataatsimiinnissat 28.-29. februar ingerlanneqassapput, Nanortalimmilu 30. maj ataatsimiittoqassaaq. Ataatsimiiffissat sinneri 26. september aamma 28. november Qaqortumi ingerlanneqassapput.

IMM. 18. TAMALAAT

Borgmesterip ilisimatitsissutigaa upernaamut kommunit pillugit paasiniaaqatigiinnermik Nunamut namminerit naalakkersuisunut ilaasortap isumasioqatigiisitsiniarnera, ilaatigut kommunit Kommune Kujalliap Kommuneqarfik Sermersooq-llu akornanni allanngortinneqarsinnaanera anguniarlugu isumaqatigiissutigineqarsinnaanersoq.

Ataatsimiinneq ingerlanneqarpoq 09.00 – 12.30 nangeqqinneqarlunilu 13.15-miit 16.00-mut.

Imaqarniliaq akuerineqarpoq.

Simon Simonsen

Kaj Lyberth

Kristine Raahauge

Bena Olsen

Jens Peter Kielsen

Kiista P. Isaksen

Ole Mølgaard-Motzfeldt

Kalistat Lund

Samuel Simonsen

Thomas Ezekiasen

Carl Rødgaard

Lisbeth Søvendahl Pedersen

Nukannguaq Adolfsen

Henrik Brummerstedt

Ingemann Dorph